

Xosé María Estrada Janáriz, na so condición de Presidente del Aconceyamientu de Xuristes pol Asturianu (AXA), asitiáu a efeutos de notificaciones nel 7^u pisu, del número 22 de la cai Pérez de la Sala d'Uviéu, preséntase y DIZ:

Pelo afitao en delles anuncios feches per estremaos medios de comunicación en data 27 d'abril -y no que toca'l cumplimientu del mandáu conteníu nel artículu 7 de la Llei 1/1998, de 23 de marzu, d'usu y promoción del bable/asturianu-, esi Conseyu de Gobiernu, aprobó, per alcuertu de 18 de marzu del añu qu'andamos, la creación d'una Unidá de Traducción, como muérganu alministrativu de la Conseyería de Cultura y Turismu dependiente de la Direición Xeneral de Política Llingüística.

Más tarde anuncióse el establecimientu del funcionamientu d'esa Unidá.

Como quiera que tala norma y el so desendolcu, que son d'interés xeneral y de muncho pa los fines d'esta asociación, nun foron entá asoleyaes nel Boletín Oficial del Principáu d'Asturies, al amparu de los artículos 105.b) de la Constitución Española; 35 y 37 de la Llei 30/1992, de 26 de payares, reguladora del Réxime Xurídicu de les Alministraciones Públiques y del Procedimientu Alministrativu Común; y 7 de la Llei 2/1995, de 13 de marzu, sobro Réxime Xurídicu de l'Alministración del Principáu d'Asturies,

ENCAMIENTO: Certificación del conteníu del mentáu alcuertu del Conseyu de Gobiernu, de data 18 de marzu pasáu, pel que se crea la Unidá de Traducción y de toles disposiciones o actos que lu desendolquen.

N'Uviéu, a 15 de mayu de dos mil nueve.

